

նէ առնուք, և մերձ է ժամանակ փրկութեան, և պարտ է այսմ ամենայնի կատարել, զի երևեսցին ճշմարտեալքն: Եւ ես որ խրախոյս տամ ձեզ և քաջաչիւրեմ համբերել ամենայն իմաստութեամբ, կամաւորութեամբ մահակից և ես գտանիմ յամենայն գործս և ի տեսակ տանջանաց. և եթէ բանիւք և քննութեամբ էր մեզ նեղութիւնս կամ հարցափորձութեամբ, ապա պատրաստ կամք յամենայն իրս տալ պատասխանի՝ զոր ինչ և հարցանիցեն. և եթէ տանջանաւք և կամ բռնութեամբ, և ոչ յայնմանէ յուրաստ կամք. և զոհանամ զԱստուծոյ յամենայն ժամ, որ մինչև ցայժմ յանաստուած հեթանոսաց դատէաք, և այժմ ի քրիստոնէիցդ նոյնպէս: Բայց դուք մի վհատիք. կարող է Աստուած ընդ փորձութեանցն և զելան առնել. սակայն որչափ կար մեր է՝ ամենեքեան որպէս զքալ զինպոր Քրիստոսի մարտիք զբարիք մարտ ի վերայ ճշմարտութեան: Վկայէ ինձ Տէր Աստուած իմ, վասն զի չեմք ի սղալումն ինչ, և ոչ եմք ի թիրութիւն հաւատոց, և կամ յանդգնաբար իրաւ զմեզ կարծեմք. վասն զի այդ անզգամաց է գործ և անմտաց. այլ շնորհօքն Աստուծոյ և սրբոց լուսաւորչացն, զարքունական զճշմարիտն ունիմք զճանապարհն որ ի Քրիստոս Յիսուս, և ոչ յալ խոտորելով մեր և ոչ յահեակ, և ի պատուիրանացն Աստուծոյ ոչ օտարացեալ, և ոչ հպարտացեալ և ամբարտաւանեալք, որպէս զայլս ոմանս: Եւ արգ եթէ խարդախութեամբ ինչ ունիմք զթերութիւն հաւատոց, վասն էր շարչարիմք իբրև զպատժապարտս և ոչ ունիմք հանգիստ, այլ տագնապաւ շրջիմք ընդ ծով և ընդ ցամաք. որպէս և Պաւղոս պատմէ զինքենէ, զնեղութիւնս, զվիշտս, զչարչարանս, զհալածանս, և զայլոն ամենայն. և թէ սնտոի յուսով էր այս ամենայն շրջազայութիւնս, և զիմ հայրենի տունն ի խղաղութեան ժամանակ թողի, և փախուստ և զնեղութիւնս և անձուկս ինձ տարապարտ է անցանել. եթէ պարսաւելի հաւատոյ՝ զայս գործեցի, և քառասուն ամ² իմով շրջազայութեամբ և յայս փոխեցայ, ապայ ուրեմն խաբեալ ես միայն եղէ. բայց յուսովն Աստուծոյ եմ վկայութեամբ սուրբ բողոք. վասն զի զուղղափառ և զանթերին ունիմ զհաւատն: Արդ, ամենեքեան որ իմում հայրապետութեանս և հաւատոյս կցորդ էք, մի թուրութեամբ և կամ աչառանաւք պատկառէք կամ երկնչիք, և զԱստուած վաճառէք վասն սնտոի կենացս. վասն զի այս է ժամանակ ընդունելոյ և առնուլ պսակ ի Քրիստոսէ. և երաշխաւոր եմ ձեզ առ Քրիստոս. վասն զի որ սուրբ հարց զցանկն ոչ պատասխէ՝ ընդ սուրբան պսակիցի. ապա թէ դք զմարդկան փառս առաւել սիրեսցէ քան զԱստուծոյն, ի դատաստանի Որդւոյն Աստուծոյ ընդ ուրացողսն գտցի, որք զՔրիստոս Աստուած ոչ խոստովանեցան և ի մեր հաւատոյս և յօրհնութենէն անմասն ելցէ: Իսկ հաւատացեալքն ի հաւատս մեր՝ օրհնեալ եղիցին յերկնաւորաց և յերկրաւորաց, ի մէնջ և յԱստուծոյ, որ է օրհնեալ յաւիտեանս. ամէն:

1. Պէտք է ըսել, պարտաւել հասարակ, կամ վասն պարտաւել հասարայ

2. Յօրհնակին իս ուրիշ: